

საჯარო სამართლის იურიდიული პირი –
ბათუმის ხელოვნების სასწავლო უნივერსიტეტის
აკადემიური საბჭო

ქ. ბათუმი

2016 წლის 12 სექტემბერი

დადგენილება № 04-01/03

ბათუმის ხელოვნების სასწავლო უნივერსიტეტის სტუდენტთა სწავლის საფასურის გადახდის წესში ცვლილების შეტანის შესახებ

„ზოგადი ადმინისტრაციული კოდექსის“ 51-ე, 52-ე და 53-ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, 43-ე მუხლის 1 პუნქტის „ი“ ქვეპუნქტისა და უნივერსიტეტის წესდების საფუძველზე

აკადემიური საბჭო ადგენს:

1. ბათუმის ხელოვნების უნივერსიტეტის სტუდენტთა სწავლის საფასურის გადახდის წესში შევიდეს შემდეგი ცვლილებები:

ა. ამოღებულ იქნას მე-2 მუხლის მე-3 პუნქტი.

ბ. მე-3 მუხლის პირველი პუნქტი ჩამოყალიბდეს შემდეგი რედაქციით:
„სწავლის საფასურის გადახდის საფუძველია ბათუმის ხელოვნების უნივერსიტეტის სტუდენტის აქტიური სტატუსის შეძენა და მასთან გაფორმებული ხელშეკრულება.“

გ. მე-4 მუხლის მე-2 პუნქტი ჩამოყალიბდეს შემდეგი რედაქციით:
„სტუდენტმა ყოველი სასწავლო წლისათვის სწავლის საფასური უნდა გადაიხადოს შემესტრულად წლიური სწავლის საფასურის 50% - 50% ან სურვილის შემთხვევაში მთლიანად დადგენილი ოდენობის შესაბამისად.“

დ. მე-4 მუხლის მე-3 პუნქტი ჩამოყალიბდეს შემდეგი რედაქციით:
„გამონაკლის შემთხვევაში დაშვებულია სწავლის საფასურის ეტაპობრივი გადახდა სტუდენტთან გაფორმებული შეთანხმების საფუძველზე.“

ე. მე-4 მუხლის მე-3 პუნქტს დაემატოს:

3.1. „ყოველი სასწავლო წლის დასაწყისში რექტორის ბრძანებით დგინდება ადმინისტრაციული რეგისტრაციის დრო და პერიოდულობა (ეტაპები). ამასთან სწავლის წლიური საფასურის გადახდის პერიოდულობა არ უნდა აღემატებოდეს სასწავლო წლის განმავლობაში 6 (ექვს) ეტაპს.“

3.2. „სტუდენტი ყოველ ეტაპზე სწავლის საფასურს იხდის თანაბარ-წილად წლიური საფასურის მიხედვით.“

ვ. მე-5 მუხლის 1-ლი პუნქტი ჩამოყალიბდეს შემდეგი რედაქციით:

„ თუ სტუდენტი რექტორის ბრძანებით განსაზღვრულ ვადაში არ გაივლის სწავლის საფასურის გადახდის ნებისმიერი ეტაპის ადმინისტრაციულ რეგისტრაციას - არ გადაიხდის იმ ეტაპისათვის განსაზღვრულ სწავლის საფასურის ოდენობას, რეგისტრაციის დასრულებიდან არაუგვიანეს 2 სამუშაო დღისა შეუჩერდება სტუდენტის სტატუსი.“

ზ. მე-5 მუხლის პირველ პუნქტს დაემატოს:

1.1. „ სტუდენტს, რომელსაც წარდგენილი აქვს განცხადება სხვადასხვა სახელმწიფო დაწესებულებაში სწავლის საფასურის დაფინანსების მოპოვების მიზნით, შესაბამისი გადაწყვეტილების მიღებამდე არ შეუჩერდება სტუდენტის სტატუსი.

უარყოფითი გადაწყვეტილების შემთხვევაში სტუდენტის მიერ სწავლის საფასურის გადაუხდელობისას ფინანსური დავალიანების გამო სტატუსი შეუჩერდება გადაწყვეტილების მიღებიდან 7 კალენდარული დღის შემდეგ.“

1.2. „ ნაწილობრივი სასწავლო ან სამაგისტრო გრანტის მფლობელ პირს ამ გრანტის პროპორციულობის (სამინისტროდან მისაღები თანხის ოდენობის) გათვალისწინებით, მხოლოდ სასწავლო წლის პირველ სემესტრში შეიძლება არ შეუჩერდეს სტუდენტის სტატუსი.“

თ. მე-5 მუხლის მე-3 პუნქტი ჩამოყალიბდეს შემდეგი რედაქციით:

„ადმინისტრაციული რეგისტრაციის გაუვლელობის ან/და ფინანსური დავალიანების გამო სტატუს შეჩერებული სტუდენტის უფლებებში აღდგენა (სტუდენტის სტატუსის შეჩერების აქტის ძალადაკარგულად ცნობა) დასაშვებია მხოლოდ შიდა მობილობის პერიოდში სტატუსის შეჩერების საფუძვლის აღმოფხვრის შემთხვევაში.“

ი. მე-5 მუხლის მე-3 პუნქტს დაემატოს:

3.1. „სტატუს შეჩერებული სტუდენტის უფლებებში აღდგენა შიდა მობილობის პერიოდში დასაშვებია მხოლოდ სწავლების იმ ეტაპიდან რა ეტაპზეც მოხდა სტატუსის შეჩერება.

3.2. „იმ შემთხვევაში თუკი სტატუსის შეჩერებიდან ერთი წლის შემდეგ სტუდენტის უფლებებში აღდგენა ვერ ხერხდება შესაბამისი საგანმანათლებლო პროგრამის იმავე ეტაპზე, სადაც შეუჩერდა სტატუსი: სტუდენტს უფლება აქვს, მის მიერ გავლილი კრედიტების გათვალისწინებით, აღდგეს მონათესავე, ან სხვა პროგრამაზე ან/და დაელოდოს პროგრამის შესაბამის ეტაპს.“

კ. მე-5 მუხლს დაემატოს მე-8 პუნქტი შემდეგი რედაქციით:

„ბათუმის ხელოვნების უნივერსიტეტის სტუდენტს, ერთი სასწავლო სემესტრის განმავლობაში 50 ლარამდე ოდენობით დავალიანების ფარგლებში, შეიძლება არ შეუჩერდეს სტუდენტის სტატუსი.“

2. ცვლილებები ამოქმედდეს 2016–2017 სასწავლო წლის გაზაფხულის სემესტრიდან (2017 წლის თებერვალი).

3. დადგენილება დასამტკიცებლად წარედგინოს წარმომადგენლობით საბჭოს.

4. დადგენილება ძალაშია ხელმოწერისთანავე.

აკადემიური საბჭოს
თავმჯდომარე

ე. მესხია